

摘藻堂四庫全書薈要

集部

欽定四庫全書叢要

集部

御選明詩卷六十五

詳校官原任事
李斯咏

欽定四庫全書薈要卷一萬八千五百六十五

集部

御選明詩卷六十五

五言律詩十六

祝守範

雨中過郭四葑畦別墅和王二仲臯韻

隙地新栽竹清陰覆短牆探幽停客舫引興雜飛觴暮
雨霑花徑春流到草堂物情渾可適機事久相忘

急雨



野曠雲垂黑山高雨驟昏
鳥飛不過樹人急欲投邨
暑氣清疎簟涼颺度晚軒
客心愁襪穢賴此滌塵煩

周禎

寄李華弟讀書石湖草堂

青山遙入夢詩寄別愁生
雨過添秋色雲開驗晚晴
藤花鋪地滿澗水入池平
轉憶湖邊好中宵月倍明

陳衍

張德充別予之青州賦贈

馬首分殘雨青齊古道迂相逢何慷慨言別亦須臾
腦後雙丸躍懷中一刺孤九迴山上望為我斷腸無

吳為霖

客自澄江歸有贈

浮遠堂前路微風穩放舟江昏茶磨雨煙暝弩臺秋入
饌花雞脆開封綠蟻浮西塘十八里來往候潮頭

吳一元

冬望

野爨孤煙起灘舟一水膠深林餘敗葉高樹見危巢地
僻無行騎家貧驗素交年年玄草在誰解子雲嘲

張丑

墨皇齋即事

用拙經營少居閒興趣長閱書宗海岳展畫得瀟湘玩
世歌漁父陶情付索郎向平婚嫁畢白首杖枕榔

陳士鵠

秋光好

何處秋光好秋光在狹斜碧添螺上黛黃入鬢邊花蓄
意纏頭錦輕寒繫臂紗江州何必怨任爾聽琵琶

王留

訪太乙邨居

籬壁皆香氣寒梅深復深預愁花落後門徑亦難尋春
雨又將至暮山俱已陰別時聞谷響應和主人吟

張采

晚眺

野色看無極，斜陽接遠山。
步遲溪路穩，心靜鳥聲閒。
竹影遮橋畔，梅花照水灣。
前途渺何處，點點碧雲間。

九日同子常東郊卽事

郊行尋野勝，秋遠菊花天。
溝曲初移徑，溪深好放船。
冷楓當岸落，高柳隔籬穿。
試共登樓望，寒城起暮煙。

呂大器

閒居

好山當面出，旭日敞幽軒。
煨芋聊充飯，烹泉不問源。
潭

玄藏史李學稼小人樊數得林間趣花開鳥亦言

晚次江門

世事何年定江皋且振衣樹紅橙子熟濤白鯉魚肥獨
鳥衝煙去殘霞壓岸飛村醪無處得空對月光輝

葛徵奇

武林留別吳梅里

昨喜逢初地蘭缸夜雨紅故人相爾汝今日又西東楓
落前山樹蘋開別墅風小窗涼月靜客夢與誰同

周鳳翔

舟中聞雁

一葦秋橫渡三江雁引羣北來應幾日消息可相聞嘹
唳孤雲迴蕭疎夜色分當前渾欲訴木葉落紛紛

送王昆華前輩使節歸省由楚入滇

益部占星信桐圭展芻親水滌相晚碧山入點蒼新休
沐西南里詔諏遠近人潘輿聞送喜日望使車塵

汪偉

旅次述懷

于役逢蕭序停鞍已夕春酒餘忘逆旅湖外憶高蹤挂
壁留殘火披衣候曉鐘故園今漸近白岳有雲封

吳甘來

經彭澤

亦有東籬菊何人尚隱居夕陽催進艇殘夜擬焚魚物
變看多異名高謗未除懷歸無長物猶有一牀書

王章

聖駕闕城

秋色當樓滿崇闈莫帝居虎門橫雉堞鳳吹導龍輿峻
坂雲臨近封泉地絡舒翠華迴輦處嵩舞遍丹除

黃端伯

山陰道中

夙昔流觴地回溪曲曲盤遙憐沙月迴漸覺海天寬暮
色橫煙暝春陰閣雨寒自耽泉石趣無夢到長安

建德道中

青天霜氣迴匹馬立平沙遠道風千里寒城月萬家亂
山盤徑險深樹引堤斜風昔悲秋意偏於作客賒

夜泊龍湖登仙居閣

閣夜鳴風迅江天度月寒石林幽獨到沙路暝相看倒
樹斜懸壁驚濤急下灘長懷仙境勝便欲棄儒官

金聲

送雲莊師至吳門

斯文未墜地夫子獨棲遲論易真傳在從先與俗移片

雲常自遠孤鶴去何之別後時相憶雲山不可知

萬壽祺

憶錢大

忽憶南徐道春風樓上年晚鶯移浦樹苦菜秀沙田驛
路歸人少蛟門落照懸如何問津者五載滯江船

魏冲

元日

年年悲作客今日賦閒居春草生新夢山花滿舊廬畏

人書謝病示儉食從蔬問字吾何有無勞長者車

陸坦

和姚修民簡寄

世逐浮雲換身同落葉輕難忘百年恨誰殉一朝名去
國懷公子憂時過賈生江皋無限淚日暮不勝情

徐柏齡

壽寧逢艾千子

白日黯無色城門掩半開故人何地別間道此時來鄉

夢遠難寄官程近莫催江關庾開府詞賦不勝哀
劉振之

闕湖即事

秋容到處好碧水湛晴暉嶺樹陰逾密湖雲濕不飛亭
虛山易入野曠鵲忘歸戶外塵雖滿那能上芟衣

張溥

答黃石齋先生韻

墜羽驚霜早誰云蜀道難孤雲自起止旅雁失平安萬

卷為行李千秋仗史官漢朝方議禮不屈有師丹

贈董校書

驚鴻識小字竹葉折為舟明鏡盤龍照離絃別鶴留翩
翻非畫裏蹀躞自溝頭滿願詩裁就薰籠長倚愁

姜采

鑿江雜詠

老去人猶在春來客未旋側身天地外卜宅水雲邊月
照歸棲鳥江喧出口船苦遭生意短白髮不相憐

送林衡者還嘉善

相知不在久岐路莫頻驚
客舍由拳地鄉心夾滌城
霜前孤雁白雨後一湖明
為報余生禮平安問舊京

姜垓

送楊明遠渡江

書記從征日軍咨入幕年
六朝京口樹萬里海門船
裘馬誰為主才名自可憐
西風征雁急遲爾菊花前

法螺菴秋居同徐枋作

寂寞重陽後秋林晚更花月高沙宿雁風勁樹翻鴉卷
慢丹梯遠懸燈竹院斜定知愁病日坐穩勝還家

許身

建州逢陳德輝

已分別離久何期此地同西城山路近南浦野橋通信
宿情何極他鄉歲欲終維舟無限意相對有飛鴻

送友之瓊州

匹馬珠厓路須防瘴嶺雲蠻童青箬笠黎女綠蕉裙潮

有東西候時占朔望分臨歧還把臂不敢說離羣

春日送客

春光初荏苒客路惜分攜露濕鶯花重風吹燕麥齊孤
燈茅店裏殘月柳橋西別思千峰外猿聲不住啼

張鳳翥

武陵道中

孤城臨古渡斜日一舟橫北渚離人目西風遠客程藤
疎知樹冷櫂響信江平不用分漁火前洲月已生

于頴

新歲次茂貽韻

不覺流光度霜華入鬢邊難忘惟舊雨相對又新年學
佛寧遺世為農敢問天椒花一相勸身世各悽然

成仲龍

除日立春

除日今朝是蹉跎又一年歲從燈下改春訝歷頭先柏
酒愁無分柴門靜可憐半生成底事兩鬢已皤然

劉應迪

曉起

曉色漸熹微
析聲聽漸稀
月潛銷客袂
燈已失林扉
行外風翻冷
花間露欲晞
巢烏棲未穩
先上女牆飛

王斤

病卧聞砧

白露蒹葭老
西風梨棗肥
可憐人病卧
翻羨鳥高飛
藥竈繁秋草
藜牀帶落暉
那堪砧杵急
盡力擣寒衣

左懋第

道上

歸鴻昨夜過紅葉見秋深
念我籬邊菊思君石上琴
舍車眺水色倚樹聽風音
舊業荒東海悠悠此際心

楊廷麟

諸葛武侯祠

霸氣西南日嘗聞屢出師
才為王者佐學與古人期
柏剩一孤樹桑移八百枝
中原仍帝魏遺恨史臣辭

示城兒

歸舟今夕遠西望獨沾巾骨肉天涯闊山川枕席親
誦詩思有汝好學或如人以此發深省鄉書不厭頻

陳宗之

病橘

病橘含辛實淒然墮曉風本無雕飾分敢恨託根窮
斷續陰依井低昂鳥啄蟲可憐冰雪後剩有一枝紅

李天植

雪夜泊舟許墅

朔雪沉宵柝江關卧未安
窗虛得疎響舟重壓新寒
梅落倡樓笛蘆垂釣子灘
鄰航催曉發得共月華看

游青蓮寺

香剎從來古春風客到稀
溪光平入座竹色冷侵衣
地僻鳥無語林深花自飛
相過逢勝侶並坐話清機

獻生賦謝鄰叟

瓜蔬吾所愛分惠媿芳鄰
不忍私佳種還期及令辰
青

囊珍重意白髮老成人
生計憐余薄時來話苦辛

謝遴

銅官山書齋

坐卧深林裏窗開別一天
山腰埋宿雨石面瀉流泉
路盡雲猶觸邨分樹尚連
煙霞吾所戀只此可忘年

中秋旅集

共作悲秋旅脩然話久時
燈寒扶影瘦酒薄上容遲
慨歎吾生事蒼茫午夜思
幾人還賦月孤客倍淒其

閒居偶詠

不扣南山角牛衣且索居
雨深三徑草門掩一牀書
醜醜愁難翦吳鉤恨有餘
半生真夢幻蹤跡老樵漁

山行阻雨

山纔經雨洗頓改昔時容
峻可百千仞橫惟三四峰
暮雲爭鳥道返照破苔封
多少塵勞意翛然杖野筇

清江曉發

星影墮寒谿蒲颿半摺西
留人昨夜雨絮別此時雞
宰

落顏難壯參差夢不齊
遙憐小黃鳥恰恰隔林啼

富莊曉發

催客村雞早連朝轍未停
酒無千里力寒極半程醒
老馬衝殘月孤鴻唳小星
山中招隱地辜負日高肩

陶汝璽

嚴州道中

曲江流不盡寒氣凜初嚴
野泊紛漁艇遙帆類酒帘
枯河冬雨活濕壁凍雲黏
不分多歸思蕭蕭與夢添

劉理順

錢塘江遇雨

微雨來江上濛濛曉未收
故園千里隔客夢一身浮
烏柏家家樹魚榔岸岸舟
觀濤無不可須上幾重樓

傅巖

庚辰元旦

曉起看雙鬢居然比昨非
趨朝人語早掩幔客來稀
酌酒分居後傳柑秩尚微
遙思故鄉會是日定春衣

吳本泰

賦得草徑入荒園

匝地蘼蕪綠戎戎接短垣路迂隨鹿引村靜覺禽喧
泣露沾芒屨頽陽卧瓦罇園丁渾解事野菽具盤飧

秋住湖口

雨夜官城暗霜期候雁呼瘦筇黃葉寺高枕白雲湖
歲月傷羈客煙波狎釣徒醉吟楓落句秋思滿東吳

冬日村居

短景催年盡荒齋擁膝安
甘蕉經雨敗叢菊抱霜乾
閉戶腰肢健千人齒頰難
得閒能幾日杯勺此盤桓

候舟

浦口千檣集占風信宿遲
長雲鴻沒影古壘樹無枝
人語殊方雜客心孤月知
湯湯濁河水利涉問舟師

由歙邑入海陽

淺瀨無舟渡迴溪有路通
獨行過市上元只在中
齋麥搖晴綠林蕉逗晚紅
清鐘隔巖寺留憩聽松風

陳組綬

舟泊清河有攜絃索過飲者

客思紛河北商絃復漢南星光零夕霧村柝靜虛潭去
國黃花九逢人白社三曾為記歌者不醉亦何堪

蘇瓊

淮陰釣臺

駐馬淮陰道王孫劇可憐已無諸母漂猶剩一臺偏試
問藏弓日何如把釣年我來倍惆悵片石立寒煙

徐銘敬

江中

溯江三折上輕舫
出中流岸轉山容變
風高水氣幽繁
花明野墅歸鳥下
荒洲名勝知何限
春光一望收
天光能媚客千里
越山明合嶂懸
泉路羣煙起
石城掀
蓬來樹色欹
枕得灘聲未暇
稽前跡蒼茫思已盈

劉同升

句曲山中

地肺通幽處，泉流決決聞。山行同一已，仙籍注三君。衣
潤恒燒朮，人來欲贈雲。青童煩指點，十賚拓遺文。

堵肩錫

婺州道中

幾家邨火聚，古樹接橋橫。薄日淒天色，空山細澗聲。路
長前嶺暮，夢短故鄉情。去國隨南雁，征衣半此生。

臺莊河

釋擔乘流急，歸心事屢更。蒲浮連岸闊，風定覺鷗輕。落

日微涼感應秋照水明依舟謀野爨極望浦雲平

宮繼蘭

送袁天游讀書南雝

莫辭通夕醉為惜片帆輕柳汁沾衣綠榴芳照酒潏乘
風思蕩漾攬轡憶澂清元武湖頭月三秋分外明

陳子龍

冬涉曹娥江

夕宿淹長道晨興涉廣川峽雲昏草樹江雨雜人煙風

急神娥廟天寒津吏船溯洄洵可樂思卜剡中田

見新燕

春風吹蕙草送汝出瑤臺來往常相並飛鳴何所哀香
泥新歲淺綺戶隔年開況有高樓婦交河戍未迴

桃源夜遇鄭起宗落第還維揚

相逢班馬鳴三月出王京秉燭黃河岸悲歌下相城風
雲雙闕暗花柳半江明突兀金臺上知君最不平

交河

烏啼征馬動曙色散滹沱海氣通三島天風靜九河沙
平邊草斷日澹塞雲多百里無煙火空村客自過

寒月

苦霧江潭合明雲天際開河流凝碧落霜影拂樓臺魚
海蓬歸雁龍沙寄折梅漢家餘故壘永夜照蒼苔

仲春田居即事

閉關春草外矯首白雲端行樂乘新霽登臺怯暮寒鑿
池栽菡萏移榻近琅玕偃仰悲生事相思獨夜闌

野色淡霏微攜筇更掩扉棠梨分曉月楊柳弄春暉藉
草乘雙屐當風試夾衣最憐煙景在獨與賞心違

山櫻荒館靜岸柳華門疎夜雨深丹壑春星動碧虛蓬
蒿遲二仲蘋藻弔三閭歎息故人盡無勞長者車

樊圃青蘿合分畦綠水平種貽香稻粒齋出露葵羨許
掾曾聞道龐公事耦畊飄搖天地外真欲寶無名

濠上思莊叟緱山憶子喬種魚浮碧嶼相鶴問青霄大
道隨時隱雄心向晚消所悲虞夏沒無地著漁樵

春深歸雁急山晚落花幽倚杖斜陽盡攀條宿雨收青
黏能却老丹棘可忘夏日覺乾坤隘誰談大九州
大文收虎變清嘯學鸞聲澤畔貽香草風前餌落英石
留貞女像果得隱夫名握粟辭詹尹升沉吾已輕

七夕

輕颺流海月仙瀝落庭柯杳杳飛雕鵲沉沉失絳河針
樓秋思滿玉宇夜情多永夕愁無寐清輝奈爾何

紫石上人精舍

高閣俯青湍千峰落木殘
焚香開寶珞飛梵拂琅玕
黍江雲淨桑榆海日寒
東籬憔悴客惟得遠公看

上方通行徑殘月照空牀
烏雀喧初曙松杉落晚霜
有山還種桂無海不栽桑
莫測升沉理相攜問法王

野望

谷口棲真處柴門極望中
行吟寒日落揮手暮雲空
明月流沙雁微霜變草蟲
吾衰非一事且莫厭牆東

辰維閣

平楚微茫盡繁霜
黯淡愁川光
浮樹杪
山雨碧簾鈞
白鳥孤煙暮
丹楓萬井秋
神州空極目
蕭瑟賦登樓

梁朝鐘

憶檀溪

半月襄城路
山川滿目迷
後聞都護語
知己渡檀溪
遙憶歸鞭處
微沙沒馬蹄
叩門抱長慟
忍入邵陵西

方以智

春辭長安過盧溝橋

河道出桑乾橋頭薄日寒榆關春色迥
遼海暮雲殘征雁迴金闕歸鞭控玉鞍
驚沙掩獨鹿回首遠長安

還過汶上道中

馳驅過汶上流淺壅淤沙千里唯垂柳
三春不見花望湖名范子行路憶朱家
郭外孤蓬振煙飛太白斜

孟廟作

陽關愁北望草落嶧山空野渡荆榛外
殘碑煙火中塵飛不見日廟古自生風
檜柏千餘歲猶存鄒邑東

浮山在陸居此藏軒

開門受山色深竹當書軒
花轉錢塘路香從流水源
白雲每幽壑青草自荒園
時就東谿口殷勤漁子言

雨後間題

飄風吹急雨沙路不成泥
白石洗松徑青雲挂柳堤
鹿湖秋後雁牛屋午時雞
飯罷隨筇杖招人握手題

看月

一片鍾山月那從嶺外看
昔嘗臨北闕今獨照南冠
萬

里天難問三更影易寒夢中兒女路莫憶舊長安

逍遙洞

在武岡之洞口

天地一時小惟餘洞口寬
名山藏日月野老剩衣冠
石向何人語春知此歲寒
幾家煙火在題作鹿門看

朱朝瑛

同姚有僕何羲兆孟長民游棲真洞

白日然犀火青泥滴乳泉
暗須幾兩屐寒想五銖縣仙
鼠翩翩掠瓜牛曲曲旋
不知危石底忽露一條天

徐芳

喜渡河洛再過伊闕

次第鄉城減龍門入望真游絲天際路
歇馬渡頭人繡佛雙崖古流花一洞新
頗矜伊洛道從此稍知津

高承埏

十八里橋

野外官橋斷溪邊綠樹層人家多酒市風俗但魚魯
問渡爭編竹聽歌雜采菱晚來飛雨過半濕夜船燈

同錢而介尋東峰亭遺址

精舍憶東峰曾栽夾道松到門停吠蛤洗盃隱乖龍露
滑前山屐風傳隔嶺鐘淳于遺世士送客想高蹤

湘江漫興

南浦多芳草萋萋亂客愁虛傳帝子瑟不見鄂君舟白
鳥迷沙市青楓對驛樓登臨無限意煙水共悠悠

辛巳人日遷安署中懷諸從弟

人日人無賴春風春可憐登高成故事寄遠有新篇柳

色開晴陌梅花媚遠天故園兄弟在相憶草堂邊

宿薊州塔下寺

樹色漁陽少僧廊塔下開爐中分佛火檻外即香臺露
草吟蟲若風鈴怖鴿來雞蘇問遺砦覽古思徘徊

張利民

過竹崎

憶昔讀書處溪山半已非飄零村店酒寂寞草橋扉世
變人愁老江寒鳥倦飛乘舟風頗惡歎息寸心違

田有年

淮浦

極浦連天邈橫隄引練長雨新魚吸浪風過鳥銜香地
入三洲閩人同六郡良榜歌隨所適到處有漁榔

萬曰吉

塢影園

半壁依青嶂千峯落翠微草堂冰雪路山鬼薜蘿衣斷
塢仍棲鷓荒岡亦采薇中原方格鬪坐卧掩柴扉

寒食

東郊朝日靜北郭暮煙遲
燕不巢新幕花猶戀故枝
嬾投分肉社羞逐鬪雞
兒屏絕人間事繇田弔子推

送吾無上人返廬山

萬里秋聲急青楓古渡平
潯陽潮自落楚岸月孤明
破衲飢寒去芒屨雨雪行
爐峰遙在望惠遠定相迎

黃周星

天台

勝蹟天台路移情入窅冥亂泉秋後寺絕壁古時亭
榭葉岸多濕蓮花峰更青白雲吾語汝且向石梁停

儲福疇

溪行

夕鷺清溪涘輕橈興若何扣舷聊躑躅念遠悵蹉跎
蒼戍春雲合空山落日多蕭蕭風北至浩蕩入悲歌

徐孚遠

曉入京口

獵獵風稍勁，驚流伏枕聞。
晨鐘下巖際，戍鼓列江濱。
已辨南城樹，新添北府軍。
亂離知未定，淹泊對孤雲。

姚宗典

同朱十汎舟鏡湖過祁六紫芝書屋留飲賦此
鏡水八百里，輕舟信所之。
迴塘柳姑廟，獨樹項王祠。
白露采菱角，烏篷維柳枝。
相過紫芝屋，爛醉亦無辭。

朱一是

郊飲

萬里兵猶動三年客竟歸
偶尋芳草路因見落花飛
野燕隨風側溪魚得雨肥
悠然堪獨醉惜與壯心違

包捷

吳佩遠徐昭發晚過

野岸黃泥路繁花二月天
有來客不速休使榻常懸
秉燭愁仙鼠披衣拜杜鵑
人生寧再少莫負酒如泉

陸彪

雪消汎舟泊八測

春草吳江碧扁舟興忽乘長橋斜雁度古塢凍雲凝放
溜愁傾甕歛帆罷枕肱怪來村鼓靜小市已收燈

閔湘陵自山陰寄蕙蘭賦謝

寄我青青蕙攜持喜欲狂葉垂江露重花發剡溪香沅
芷神交遠猗蘭古調揚無言一莖草金石永難忘

錢茶

園居次韻

麗矚青郊外芳菲饒勝情幽花偏解語黠鳥自呼名避

客筇隨鶴攜柑僧聽鶯繁陰此夕改小草媚新晴
避世隔松闕空堦隱雉斑綠香經雨重紅濕卧溪間有
檻堪邀月無窗不面山幽居午夢醒雛鳥試緡蠻

風光愁欲盡搖落歎經旬布穀千家雨梨花小院春
藥鐺分佐使槐國自君臣一榻茶煙外長吟獨往身

徐枋

食園茄

園蔬生自好微物入盤飧錦里芋相似青門瓜共繁嘗

新霑夏實垂露摘秋原遙憶霜風裏根株何處存

朱積

村居雜感

臯廡容假息到此即為家繞徑新栽柳鋤田學種瓜扶
犁三月雨插槿半籬花橫海張帆近桃園未敢誇
身世何堪論翩然學冥鴻鳩啼春社雨魚帆午潮風紫
的澆新蕙青畦薦晚菘夢醒無一事長日註參同

周齊曾

贈呂叟

自得林中趣蕭然水石間
過橋重聽瀑入寺乃尋山
雖與羣動接不殊獨坐閒
年來勤穡事晴雨頗相關

彭長宜

過下壩換小舟

屢逐尖頭艇還盤上水堤
斷煙歸遠嶼新漲涌前溪
田陌晴飛雀村莊午聽雞
迴塘何宛轉又過小橋西

旅夜

茅店寒威列愁因不寐添排風窗隙猛落月屋梁纖折

響遙從魯

左氏傳魯擊
柝聞于邦

驢鳴笑似黠披衣喚僮僕猶戀

睡鄉甜

鈕應斗

鄭耘谷備兵岢嵐寄之

分手玉河日微風阜角橋南歸鄉夢近北望驛書遙露
冕知臨晉懸旌想度遼榆關秋色好落日馬蕭蕭

平波臺

積水明於鏡中流
峙此臺雲從湖岸落
浪湧寺門迴柳
外千帆去沙邊一鳥來
昔年題詠處古壁滿莓苔

魏學濂

王孝峙遷居

小屋容君住遷期日日賒
對門橫一水出汲有千家
曲徑通橋便低簷避樹斜
著書儻有暇移種故園花

呂潛

大水渡泗州

浩浩春濤闊孤城一葉浮煙城淮水暮風雨泗陵秋戍
壘存官渡蘆花伴客舟年年涉江渚愁絕此中流

上元日懷兩弟

已斷江南夢荒園勝事增遠灘春社鼓寒月草堂燈濁
酒因鄰得嘉蔬近圃登佳時兄弟隔愁思獨難勝

宮偉鏐

湯君謨見示蕭尺木所畫春江送客圖

小艇知何適將無蹈海行草橋新月上山店曉燈明悵

望同舟色踟躕執手情片帆春水足詩思落江城

張若羲

夏日即事

池塘饒野趣菡萏一花開深樹黃鸝語空庭舞蝶回
新篁增勁節古砌長蒼苔箕踞長松下香颺拂面來

望牛首山

牛首登臨地金陵指顧中飛雲曉欲白落日夕猶紅
能使衆山俯頓令萬象空從茲一憑眺高卧老江東

擬太白登謝姚北樓

孤城一眺望平楚正萋萋春穀流泉暗陵陽落日低寒
雲隨宿雁暮靄失前溪坐嘯懷人遠狂歌度水西

徐遠

贈大輿上人

賈島人稱佛湯休不類僧一絃彈古月五字琢寒冰指
石禪心定看松歲臘增鴛湖多長者共許道人能

顧朱

月夜

三徑陶潛宅重湖范蠡舟一輪初滿夜萬象已高秋遠
樹枝藏鵲前溪水沒鷗秦川貴公子此夕強登樓

金廷韶

上方菴

寒花三五樹開落在中峯不見招尋侶深林出午鐘鳥
隨雲到谷泉注益藏龍今日春游始禪闕得所從

李待問

卧子招飲卧龍山蓬萊閣

故人留牘少酒坐亦從容俯視湖一曲不知花幾重澄
煙天鏡水哀壑禹陵松身在蓬萊閣千巖第一峯

吳易

東湖雜詩

百代傷心地風煙莽不收江山一吊望吳越幾春秋鴻
雁青楓渚芙蓉白露洲霸才今寂莫何處問扁舟

清時敢避地堅卧竟如何兩岫窗中入千帆枕上過飢

鷹翻健翮老鶴立平柯招隱誰當賦蒼涼起棹歌
浩蕩晴波遠蕭疎古岸秋沙明矜獨鶴風淡悅羣鷗此
日五湖長浮雲萬戶候臨淵尋片石真欲老披裘
停午片陰合移時急雨鳴簷虛曠野失壁破怒濤傾龍
飲前溪罷虹依北岸生新晴豁遠目喜見衆峯清
寂寂顧榮扇蕭蕭張翰萼斯人不可見秋色幾回新水
涸蛟龍蟄風高鴻雁賓江湖搖落裏懷古一傷神

劉曙

舟直道中阻風作

慘澹孤舟客，喧豗兩夕風。
殘書愁燭短，淺漏怯樽空。
土語依稀在，鄉心咫尺通。
耐他花信變，二十四番中。

計偕舟次濟上立秋和維揚汪子支菴韻

旅夢安孤枕，驚秋一葉知。
舫輕風訊到，沙白水痕移。
野店餘烽火，殘碑卧色絲。
似聞宮徵換，廩唱總含悲。

烹悟泉因懷王克仲

相依謀已定，相望意仍違。
清夢勞明月，孤吟繞翠微。
分

泉甘苦共脫帽往來稀漸欲尋山徑秋風一欸扉

郭符申

題寓園松徑

長風何處起清響落層湍忽聽晴空雨翻飛午院寒蒼
鱗移漢殿鐵幹老秦宮即此開三徑徘徊盡日看

吳惟英

西湖長隄

斜日長隄迴村煙接帝京路從溪外轉人在樹中行野

草石橋短沙鷗春水輕回看游賞地晴色萬山明

蓮花菴

去年花外客今復到長隄淺水兼天闊新蒲與岸齊鐘
傳高閣遠柳覆小橋低指點村煙起歸心促馬蹄

葛一龍

九日送客之湘潭

吹帽風初起那堪吹別離纔臨放鷁處已是聽猿時楚
服裁應短湘山望轉疑歸期指籬落莫比菊花遲

浔溪對雨

市斷溪聲遠橋迴野色荒
吹來數點雨相送一孤航
漲綠平官渡煙黃拂女桑
隔花僧共語東去是錢塘

初晴過孔先生園居得泥字

一雨百憂集好山空杖藜
偶從樵採去言訪石林棲
屋角蜘蛛網簷牙燕子泥
留歡對新旭不道夕陽西

喜聖僕至

為約每無憑今宵喜得朋
片雲波上宅殘雨夢中燈
春

冷花如病齋清客當僧看山不待霽把臂入煙層

徐日方水亭雨酌

結宇蕪煙際披紗柳浪間新鶯同客到微雨挈春還呼
取隔籬酒看他何處山重來須蕩槳荷葉已斑斑

秋陰

西爽忽已晦不知朝與昏井上半殘葉湖中無遠村枯
槔幾日罷農牧相過存雲淡一如水野風吹到門

寄懷李九

思君夏之日日在東園東泉漱松根下石搖潭影中
賭
暮來木客司果有狙公昨夜秋聲起惟寒栗葉風

小除夕七里岡店宿

歲杪還行役投棲野店空牛衣夫婦對旅況主人同爨
歷危簷雪燈吹破壁風一冬更漏接都在此宵中

寄懷葉中秘時奉使出塞初還金陵

無數江南樹蕭蕭待綠吹春將歸信及星比使君遲夜
火明高壘邊風裂凍旗間闕出塞意惟有雪鴻知

雨渡錢塘同公武

山氣鬱生雷斜風舵後催岸青秋雨足天白夜潮回飄
泊同吾友艱辛一酒杯錢塘君莫問橘社里中來

趙舜舉

中元對客

京國中元日微風暑乍收鵲飛明月樹人汎洞簫舟且
喜深杯滿休嗟大火流孟蘭僧社近鐘鼓雜更籌

蔣臣

劉憲石招遊虎丘奉答

山川猶昨日金虎氣全凋
萬事蹉跎盡千秋涕淚遙寒
蜚依畫舫欹柳卧平橋
勝地欣相見何年復此宵

張廷立

出塞

征馬立風鳴緣知戀舊城
烽煙南地起羽檄北風驚
都護玉關思將軍碣石情
吳鈞腰下佩氣射陣前營

朱茂暉

移居百可園即事二首

十畝牆東地新編六枳籬
上番移竹便辰日種瓜宜
穉子解行藥鄰翁邀探著
忽聞蚤樓見策杖往觀遲
梓樹層陰合莓牆一徑穿
亭開三面水地占十弓田
書籍雖亡矣犁鋤幸有焉
晨朝鼠姑菽並坐許銜蟬

朱茂曙

外父石屏守唐公別業池上作

買斷一池水重編六枳籬
露寒聞蟋蟀潮落走螭蜺
柳

色陶元亮山心向子期
逃禪有精舍留賦八闕詩

馮鼎位

舟中喜晴

霜天開曙色初日弄新晴
遠宇全碧疎林葉半頽
浴鷗閒曬翅旅雁肅長征
更喜乘流便孤舟一棹輕

夜泊寶應

薄暮維舟處荒城戍壘邊
晴沙浮夕照遠水冪寒煙
鳥雀投林亂魚鰕出網鮮
夜闌還秉燭漁笛起前川

贈豁堂和尚

息心超欲圃，彈指古稀年。
妙悟真如理，端稱忍辱仙。
清齋蓮漏永，法偈髻珠圓。
忝結宗雷契，來參柏子禪。

久雨

滴瀝聞階砌，濕雲擁不流。
蒼茫渾似晚，慘澹欲疑秋。
泥案香煤潤，侵簾碧蘚稠。
曠懷何以遣，移榻上南樓。

戴重

泊鎮江口

病髮搔皆落長衾擁有餘明星入江艇濁酒出州廬
齏海聞虧引冰河說梗儲舟喧愁不睡呼火讀方書

烏江項廟

夕陽雙雀廟孤艇繫烏江病葉風相戰寒潮夜不降
劔留蛇瘞井轡絕馬號樁如此千秋恨霜鐘儘客撞

列山舟中

江火燒茶白山雲曳布帆櫓搖紅荻澀網挂白魚饒
淮麥炊難輒吳鹽歎不鹹家人同汎汎十載一黃衫

黃翼聖

春夜宿草堂寺

最愛臨江寺，殘春始一行。
落花隨水汲，亂竹過牆生。
雨帶新泉響，燈搖古院清。
如何聽鐘後，猶有未銷情。

渝城度歲

風俗他鄉異，巫歌達四鄰。
江明無月夜，猿喚不眠人。
眷屬生兼死，年光臘帶春。
客中艱一醉，辜負物華新。

林希顥

舟中對酒

水國風來爽江鱸今日鮮布帆秋色外卮酒暮雲前兩
岸丹楓樹千邨白屋煙客情方寂寞漁笛起前川

春日龍潭寺閣眺望

珠闕倚茸城江天三月晴香臺高縱目芳草遠含情地
拔九華碧潭開一鏡清夕陽孤磬外靜坐悟無生

王廷宰

送高明水工部營桂府於衡州

楚塞衡陽壯姬公叔父尊三湘疏地脉一柱表天門
桐葉圭初翦蘭臺賦尚存聖朝寬物力採權亦須論

徐時勉

種柳和白香山

樹木十年事吾衰計轉忙小莊疎竹外處處插垂楊
叢短初成帚身高欲過牆年逾三五後遮莫暑風涼

浦義升

石城

挂席秋江上涼生薜荔衣
雨聲蘆葉偃風色浪花飛
方度龍潭驛隨過燕子磯
石頭城下泊坐對月霏微

馮鼎爵

首春紀懷

春雪不到地巡檐雜雨聲
出幽看鳥性善瘦見梅情
老矣成無相優哉豈愛名
寒威雖未解砌草怒含英
家在鳴珂裏閒人只是閒
破書聊用補雄劍任成斑
却病頻收藥無資可買山
直教明月至一為啟松關

春半即事

小徑雖荒落一枝亦是春如何不飲酒負此百花晨石
迸筍當戶巢低鳥近人禪玄兩無據撫已問前因

突兀古城邊谿迴草閣偏緋桃貪醉雨碧樹迴粘天剩
有江湖思曾無車馬緣莫言投筆事不是請纓年

鮑釗

春興

高軒初睡足遲日照闌干命酒隨斟滿尋花不厭殘歡

因歌扇合心向舞衣寬莫漫愁羈旅春風任自寒

陸璉

題徐元歎落木菴

棲巖有精舍窈窕挂藤蘿天與幽人占山偏落木多連
峯當戶立一澗遶門過近有離騷作非因學楚歌

汪之鵬

步出城東門

東城去不遠細柳自芊綿漸出高墉外初臨暮水前澄

溪鳴短楫歸鳥帶殘煙空壑人稀至餘暉照野田

望亭晚泊

望亭多野況林際艤輕舟疎竹入餘照危梁俯亂流
牧人村外返稚子渚間遊更望他山遠蒼蒼晚氣幽

歸昌世

槎溪道中

蒼茫歧路色立馬一踟躕樹到高原合村臨大澤虛孤
雲懸野鳥落日返樵漁數點青山外依稀是故廬

旅懷

亦有嵇康癖偏宜謝奕狂
酒中遺往事夢裏失他鄉
野曠雲開樹窗明月在牀
扁舟生計好最苦夜猿長

萬時華

送衛子建歸河東

四渡章門水歸與益黯然
講依壇際杏離引曲中絃
野色朝隨馬溪聲暮入蟬
西風時念爾千里太行煙

送重熙一兄之淮陰

宿雁分朝影，章門野水邊。
弟兄嗟遠道，離別畏中年。
風定晨開纜，江寒早著絲。
淮陰垂釣處，今古易潛然。

張致中

聞蛩次方巽若韻

蛩以鳴秋擅先秋，亦自鳴未須嫌寂寞。
已足助淒清，振羽爾何意。闕心各有情，從茲風露下。
愁逐草根生。

郭金臺

詠新燕

舊侶招何處。瀟湘路不迷。停雲思傍主。惜羽欲封泥。厦
屋棲難定。空梁語暫低。健飛先就暖。蚤晚到應齊。

山行

棲遲歲欲暮。白日臨青峯。雲墮幾聲雁。山傳何處鐘。失
門閒鳥入。撥竹老僧逢。負杖聽溪水。春煙已萬重。

寄和毛子霞郢中樓居

避人存小隱。敢負北山銘。列坐吟虛室。開窗就翠屏。卧
游無箇事。圖嶽有真形。眇眇思神女。空瞻解珮亭。

會仙橋

忽接空山響，奔泉注石梁。
巖分雙壁落，溪會衆渠香。
宿鳥驚人出，垂蘿帶壑長。
斷碑餘繡字，髣髴記滄浪。

姚士彝

帆影閣為僧照淵作

片席出林杪，驚看閣樹枝。
劃空爭鳥疾，抱水受風遲。
却認此身住，翻看彼岸移。
欲分衣上冷，支臂短牕時。

周綺生移居

籬落借春城盤紆覓路生
餅花攜舊蝶鄰樹喚新鶯
粉院宜妝好虛窗叶句清
尋常門外草一倍攪人情

楊彝

建溪

艇子飄搖下青移對岸峯
一灘溪一曲千里石千重
鴻雁應難到鳧鷖亦少逢
深潭與急峽曾說有蛟龍

御選明詩卷六十五



總校官庶吉士 臣侍 朝

校對官檢討 臣蕭九成

謄錄舉人 臣傅瓌芳


欽定四庫全書薈要

集部

御選明詩卷六十六

詳校官原任主事

臣李斯咏



欽定四庫全書蒼要卷一萬八千五百六十六

集部

御選明詩卷六十六

五言律詩十七

顧夢麟

追和陶南村雜詩二首

野曠逢人少兵殘避地多
辛勤知稼穡游釣託煙波
草漫烏犍卧門開白鳥過
社餘分一醉斜日下庭柯

漫隱烏皮几行呼鶴髮翁
輞川舟上下瀼水屋西東
襪



襖穿花底簪箸挂竹中無人問名姓祇道武陵同

朱隗

絡緯

恤緯誠何念勞勞驚客眠響清當雨後意苦在秋前疎
火瓜棚夜涼河雁影天食苗非爾志籬落興脩然

沈士柱

九日和穎侯

何處登高去鄒陽尚繫囚異鄉逢九日深殿送三秋雁

晚飛無定鬢寒咽不流西風吹夢好湖海一扁舟

沈壽民

題扇歸輿父

是物珍吾笥三年怯未書筆因王粲閣風想謝安餘秋
浦愁猿夜宣州好月初思君不可見題罷付江魚

汪中柱

唐棲夜泊

停橈繫淺岸寄迹似飄萍稻黍平疇熟魚鰕晚市腥殘

煙籠古樹遠火映迴汀盞旦爾何意勞人枕上聽

卜舜年

黃浦晚度

殘照收黃浦孤舟何處依沙昏秋雁落潮滿夜漁歸薄
海山川曠前途廬舍稀帆輕天路近直與鶴俱飛

冬夜垂虹橋

鉅馬垂虹畔深宵感慨增橋明霜正下江遠月初升吏
醉城無柝僧歸塔有燈王風京路阻欲詠媿無能

鄒濟

江行望廬山作

亦知山有寺咫尺見雲封瀑布千尋水香爐何處峰向
晴微見樹卓午詎聞鐘來往驅塵事深悲負短筇

陸壽國

虎丘春步

好鳥語芳樹春山遠近看攀厓振蘿策度塔跨雲鞍縞
袖翔飛燕青箋賦木蘭雨餘客去後新月上欄干

沈嗣貞

秋夜

適館聞衙鼓歸家聽寺鐘
欲為僧苦寂未作吏先慵
夜永蘭膏減秋深玉露濃
此中忘去住城市有高蹤

吳麟玉

邨居

屏跡市廛外煙邨聊索居
貧無乞米帖嬾有絕交書
松下近調鶴雨餘新種魚
更添數竿竹遮却往來車

徐淮

宿金粟寺

昨歲曾游此，莓牆墨尚新。
雨花長似粟，觀海更無津。
下榻便行客，烹茶費主人。
時查孝廉寓此讀書年來稀戰伐，鼙鼓但

迎神

鼓係孫權所留

沈文輝

西莊

乍喜人煙別，都無俗客喧。
漸能諳稼穡，不復厭雞豚。
仄

徑苔梅古疎籬竹屋存東塍近僧院清磬報黃昏

嚴煒

秋日過萬里橋見朱雲子寄詩因憶舊事悵然
有作

寥落天南雁淒涼見素書故人千里外舊事十年餘壯
志愁銷盡閒情賦久虛不知憔悴者錦瑟意何如

自注
雲子

寄詩有舊恨青衫上
新詞錦瑟傍之句

過清溪驛和題壁韻

風塵天下滿此地尚煙霞叢篠臨江偃寒花倚石斜輕
雲歸暮嶺落日戀平沙何限河山意瀼西又寄家

李肇亨

秋興

溪樓閒眺望秋思滿林塘潦水茨菇爛西風擺徑香晴
光翻去鳥野色動寒螿問訊東籬菊還須後夜霜

題宋人江泊圖

愛見江邊樹蕭疎落照前遠峰分霽色小塢共寒煙雁

迹留沙渚猿聲到客船十年湖海夢今日倍依然

潘一桂

舟晚

斜日倚荒洲空江水氣秋村寒人語靜浦冷客帆收殘
角分哀雁浮嵐漲遠流往來頻過此媿不自閒游

鄒斯盛

太湖采蓴

并序

辛酉秋泛太湖見紫蓴雜出蘋荇間訊諸旁人不

識也行棹求之得數里許太湖向無蓴采蓴自余
始因賦詩紀之

風靜綠生煙煙中蕩小船香絲縈手滑清供得秋鮮荇
葉分圓缺鱸魚相後先誰云是千里采采自今年

泛泖

偶然乘興往不待棹歌催一塔抱雲出孤花背岼開石
痕潮落遠煙際月飛來萬頃沈沈碧漁燈相照回

劉虛受園中

城居如在野古木不知名入暮有雲氣霎時來雨聲壘
山因閣起置榻與巢平新葉綠於水逼人幽思生

過天竺山房

羣峰迴古寺十里晝陰陰鑿石通花棧疏泉過竹林客
移殘日影僧定白雲心風外樵歌斷鳥啼煙樹深

晚泊雲上

古木欹橋畔根虛好繫船半村斜帶日荒岸欲生煙漁
舍潛深柳牛衣遍野田溪風寒入夜渡口一燈懸

白石山訪陳眉公

前林看已近，忽轉水雲灣。
野竹翳深徑，高齋出半山。
荇絲迎棹亂，花氣襲衣閒。
到岸聞人語，東籬猶閉關。

沈弘之

濟寧舟中望月憶家

野曠天連水，登艫四望寬。
家逾千里隔，月訝兩回看。
客裏光相對，閨中影自寒。
郵籤計程速，定已夢長安。

華淑

秋晚琴川舟中

到此耽幽曠輕舟溯遠空
草黃山自綠霜白樹纔紅
漠漠雲銜水棲棲鳥泊風
沿洄邀夜色佛火半峰中

消夏灣

平湖添一曲風色遂全幽
晴泛亦疑雨山居猶在舟
橘橙垂戶戶菱芡聚洲洲
不信偏宜夏暄涼儘可游

謝夢連

送友人游天台

細雨靡蕪綠扁舟渡若邪
春流飛竹箭暮靄隔桃花
佞佛何妨酒游仙莫問家
儻憐人外癖分我赤城霞

治平寺寓友人攜酒見訪

吾友攜尊至開門黃葉深
斷雲孤岫冷斜日半湖陰
獨往無千古相期有寸心
行行難以別明月在長林

秋夜

木葉始微脫庭空蔭薜蘿
誰云秋氣慘我愛夜涼多
林暝纖月雲浮澹澹河坐
深人境寂新雁一聲過

夏完淳

送杜于皇歸郢

分手金陵道相逢倍黯然
鶯啼楊柳岸人在木蘭船
客路三千里征衣十二年
計程歸夏口明月兩回圓

寶帶橋

連天芳草青極浦獨揚舠
歸雁舟前落愁人夢裏聽
花光明曉霧波影亂春星
欲訪靈威穴孤帆入洞庭

朱樵

聞琴

素琴鳴靜夜天上月長明
大雅傷寥闊人間無此聲
一簾風淡蕩四座客和平
故是移情物從教竹露清

村機

村莊寒露下茅屋發機聲
自念風霜早非關蟋蟀鳴
林中鳥半咽門外月三更
高閣矜羅綺何人識此情

金是瀛

喜晤馮天垂

風雅舊知名壺觴得共傾
羨君如野鶴把袂及春鶯
四座羣賢集高談曉月清
相看猶宿昔不信隔生平

嚴紹宗

新秋庭鳴移具小樓待月

秋至杳無跡颯然風滿林
倚樓羈客思呼棧故人心
紅葉疎簾冷青蘋小院深
月明今共賦心事兩浮沈

沈揖

梁溪雜詠

行裝書帙少旅食性情非攬鏡嗟蓬鬢登臺憶釣磯雨
深芳草遍霧合遠楊微何事雙棲燕偏依獨客飛
誰家不歡聚吾母獨倚廬客邸終難寐軒窗數廢書徘徊
霜露改想像信音虛反哺巢庭樹傷心爾不如

塞北雜詠

關塞多磽确行行路不平霜濃憂去馬日暝望高城悲
壯羌兒笛淒涼秦女箏回頭語同伴明日是何程
疊嶂高於髻衝衢直似繩天長明野燒寺遠見慈燈故

壘羣雄恨荒墳毅魄馮山農安土俗亦自酒如澗

大梁歸途舟行即事

五月長風息輕寒御薄綿江村喧晚市岸樹疊晴煙既
愜幽居境非無買酒錢鄉關知漸近良友話歸船

天際烏雲合山頭急雨來跳珠江鳥沒歎雪浪花回蓬
暗收書帙舟停望石臺林端有空翠萬里夕陽開

吳騏

游康園

挽竿沿溪曲船風逆浪遲園亭藏窈窕水木散華滋坐
入羲皇世人添巖壑姿形神殊自遠相對復為誰

湘舞弟歸自汝寧

憐爾風塵色言歸自汝南依人昔未慣長路近方諳白
鶴三山曠鷓鴣一粒貪早知縑素貴從此事春蠶

喜遇王玠右

夢寐三年別飛揚盡日歡共驚杯易盡翻恨燭將殘湖
海心猶壯乾坤事不難隆中應少暇棋局暫盤桓

寄計子山

望爾歸吳下仍聞到洛陽
多才應自惜信美豈吾鄉
北望雲千疊南來雁數行
客衣殊可念昨夜有微霜

新篁

荏苒南園竹初當解籜時
碧鮮猶捲葉香粉乍抽枝
棲鳳休嫌弱為龍定未遲
晚涼三徑好新月影參差

聞黃鸝

高柳千株暗黃鸝復此遊
鬱蔥深不見睨睨互相求
碎

語傳清曉春風繞畫樓樓中有少婦獨宿迴含愁

山行

雨停知夜艾酒醒不成眠雲隙露微月竹根流暗泉禽
喧晨景動霞散水紋連申旦獨延竚幽情祇自憐

子山言鱸魚在沼與水同色因與帶三先生同
賦

秋水涵深碧鱸魚色本同江湖寬自適萍藻密能通映
月翻輕縹搖蓮落晚紅能無芳餌戀何竟出波中

雨泛

雲擁頽城氣風高裂帛聲深愁衣袂薄猶幸雨絲輕短
楫羣魚散叢蒲一鷺明玄亭望已近秋水到堦平

浦行即事

申浦東連海瀰漫望不窮歸心視春水身世一飛蓬漁
艇輕穿雨蒲帆側受風鳧鷺不相避出沒蔣芽中

苦雨

雨勢殊無賴淹旬作苦寒敝衣縫絮綻漏壁墮泥漫百

草無新色連山失舊觀何須千里外始覺路途難
石罅泉俱發湖田岸不通侵堤初作浪仆樹更兼風溟
泮千村黑微茫一火紅煙波歸棹晚獨立羨漁翁

計南陽

題馮休菴先生待漏圖

列柏霜臺舊芸香玉署初分宵趨直館待漏拂軒車特
有凌雲筆空懷諫獵書故都清夢杳惟憶賞時魚

陳鴻

夾竹嶺

長途不可涉，況歷萬峰巔。
倦鳥已投樹，行人猶在煙。
夕陽沈嶺路，寒澗落山田。
縱少離家恨，憑高自愴然。

聽泉閣

風露臨虛閣，應涵秋氣清。
一山在水次，終日有泉聲。
響迸僧鐘落，寒兼客枕生。
中宵滿欄月，都作玉琴鳴。

東湖曉發

曲曲東湖水，何能計里長。
沙明兼淡月，船重積嚴霜。
冒

曉人傭起衝寒雁欲翔梅花飛盡日猶不到家鄉

崔子忠

送僧歸滇南

兵戈前路息萬里憶慈雲冬嶺春花豔秋江暑氣熏到
時書少雁去日夢隨君最是悲涼處遐荒收夕曛

王鎔

薄暮

獻歲南征棹依依帶夕陽侵春芳草合入夜碧雲長浦

月交珠彩山風送酒香

湖上有酒香山

幸無遷謫怨作賦不投

湘

湘江雜詩

水際朱陵驛山顛磴道懸連峯綠岸外斷雨白鷗前巖
篠垂還起江雲濕亦鮮可知帆席重那怪路遷延

張宇初

喜晴

立夏天方霽閒情喜暫舒樹深添雨潤溪落見人疎夕

照斜依竹園花落近書年來惟懶拙殊覺稱幽居

山居曉起

曉霧成秋冷山居竟閒然宿雲黃葉路殘雨白榆天澗
落魚絲靜苔荒履齒連無由謝塵垢高枕並書眠

晚游新興寺

晚過新興寺扶藜野步輕鳥啼春雨足花落午風晴僧
室連雲住山阿帶霧行武陵歸路近已聽澗松聲

望吳山

吳越遊程熟溪平驛路分夕陽回浦樹秋色滿湖雲曲
澗船孤棹淒風雁獨聞浣花茅屋小別思夢紛紛

晚行

倦行偏旅思疏味喜初聞野道堆黃葉人家住白雲鳥
啼斜照薄風急暮帆分歸策猶暄暖徒知厭世氛

輝山登舟

經行山徑熟霜葉滿歸舟野渚橫疎樹重灘引細流殘
霞驚水鳥寒月白蘆洲鄉邑欣逢舊從耽水木幽

桐江即事

每愛桐江秀塵衿洗黛螺水流
渾不盡山靜看偏多秋
樹連雲住漁篷載雨過
何當無一繫釣瀨老煙波

過錢塘

越上層游地年深感寂寥
山光隨浦盡海色共天遙
古剝藏秋樹寒江送暮潮
故人渾不見愁緒酒難消

春暮自遣

林君休暇日春盡夕陽坡
山近青嵐少池平綠草多
暄

風巢燕定殘雨曉鶯和薄世情緣淡應慚逐逝波

錢月齡

訪僧田舍

出郭尋僧舍青山隔水田扁舟孤墅入紅樹碧溪連菰
米炊香積茅茨帶夕煙相留無限意我亦愛逃禪

吳孺子

范司馬東溟先生憐僕羈孤客旅邀僕觀白鷗
鷗復飲之以美酒僕金華賤人也懷恩感意報

之以詩

夫子憐飄泊相邀過草堂
尊浮桑落酒鳥出雪衣娘
石色寒侵戶苔香細入牀
醉來如意舞容得舊疎狂

早春郊外

坐入年華淺行將春色遲
柳條辭白雪梅葉讓青枝
沽酒沙村在吟詩竹杖移
交頭無數過何處有新知

江上逢王九歸武林

江上逢王九孤舟日已斜
紅妝惱春夜白髮醉誰家
斷

岸深無柳荒村半有花
武林山水地歸路勿云賒

曉發

嚴城角初斷稍稍曉
鴉啼風急偏催馬
天寒不應雞隨
山欲渡海失路却尋溪
鄉國遙千里三年斗柄西

倚杖

貧病吾將老江湖度歲華
艱難惟有淚飄泊更無家
倚杖慚歸鳥臨池惜落花
秋風何太早瑟瑟向蒹葭

呂家曲水寄別錢懋毅

曲抱孤村水長流斷岸陰借居方避地言別又沾襟客
久衰偏易鄉遙恨轉深把君書在手侵曉到如今

徐淵

舟中

遠水浮高漢扁舟載夕暉人家隨岸斷沙鳥背帆飛旅
況消村酒新寒戀布衣片雲何處起先我向南歸

徐顥

西嶽

拔地蓮花在多年玉井湮黃河西有影雲棧四無鄰冰窟難成水楓香漸化人夕陽不易落閒立數三秦

徐斗支

敘州逢香客留飲

南溪古夔國信宿也相宜月白山當戶風輕水滿陂鳥呼秦吉了藥咀五加皮萬里逢鄉客銜杯話所知

李廷昱

中秋夜半對月

準擬中秋月歸來撥悶看星疎懸海嶠風細駐林端老
子興不淺清宵眠未安呼童重漉酒舊事話團圞

鉏草次張元祐孝廉韻

造化無私澤誅鉏有獨勞落花分徑闊迸筍出籬高滋
蔓非吾意為螢任爾曹何如張仲蔚門外滿蓬蒿

永安湖送戴集之歸婺州

一片滄浪水南湖與北湖柴扉明落日漁艇暗春蒲聚
散當佳節悲歡屬老夫戴顓棲隱處風物滿長塗

慰孝先

東湖一片水喜汝暫停舟既有故人在能無十日留殘
花仍滴露新張正浮鷗生計安垂白從人笑直鉤

偶成

早歲辭鄉國歸來鬢已華朔鴻乘雪起海燕受風斜興
起因鱸膾飢還倚蕨芽故交零落盡不敢歎無家

送邵漢甸歸蘭溪

屈指蘭溪路乘風四日程江聲敬枕急山色滿船輕汝

自謀行止人誰解送迎
金華仙洞裏瑤草石臺生

上海

萬里朝宗水喧豗
滬壘東稽天新漲碧
浴日曉雲紅地
控三吳盡潮分兩浙
通春申遺廟在社鼓
賽村翁

梵琦

贈江南故人

煮茗羹羊酪看山駐馬
樞地椒真小草芭攬有
奇花塞
月宵沈海邊風晝起沙
登高望吳越極目是雲霞

開平書事

舊俗便弓馬新霜稱綺羅平原芳草歇古戍暮雲多翠
袖調鸚鵡金鞭制駱駝上樓看月得無酒奈君何

黑谷

北去終無極南還未有期猶嫌江路遠不與土風宜晚
翠看盧橘春香憶楚葵茲山吾可老飲食噉棠梨

萬里

萬里故鄉客扁舟何日還黃雲薊北路白雪遼西山馬

倦客投店雞鳴人出關
吾思石橋隱絕頂尚容攀

西津

月滿潮來盛
天空野望低
樹侵吳甸北
帆入楚江西
俊鶻秋方下
慈烏曉更啼
即看霜露及
風景色淒淒

贈江南故人

今騎沙苑馬
昔踏洞庭魚
結纜荷邊宿
移家竹裏居
好風橫笛晚
新月上簾初
每憶江南樂
功名有不如

宗泐

重答夏本心

有約何曾至無期却自來
煖憐沙上日清愛竹邊梅
山鳥當琴几溪雲對茗杯
桓公遺廟近乘興一追陪

贈立恒中

海外赴商船江東住幾年
華音雖已習鄉信若為傳
一鉢隨緣飯諸峰到處禪
涼秋明月夜夢度石橋煙

登多景樓

水際一峰出飛樓倚次寥
煙雲連北土風物見南朝
山

勢臨淮盡江聲入海消偶來登眺客凭檻興偏饒

送徐伯廉歸南陵

把酒城南道離懷去住同鳥啼紅樹裏人在翠微中山
雨添秋色溪雲渡晚風倚樓相憶處明月各西東

與徐伯廉再往南陵

又向南陵去復攜良友同人煙千嶂裏客路百花中雉
雉初晴日鶯啼滿樹風漸知精舍近清磬出林東

入孤澗有作

谷裏何人住山腰有徑通老猿時挂樹好鳥自吟風古
澗寒泉碧連山夕燒紅隱居慙未遂明日片帆東

登相國寺樓

冬日大梁城郊原四望平雲開太行碧霜落蔡河清欲
問征西路兼懷弔古情夷門名尚在無處覓侯嬴

南澗

攜友過南澗槎橋類斷虹鳥啼青嶂外麋卧綠陰中
笠迎秋雨樵歌落晚風謝公雙屐健獨往杏林東

深居

山崦入重重，誅茆第幾峰。
四簷青樹合，一徑白雲封。
夜冷齊腰雪，春陰被額松。
自來深處住，樵客不相逢。

朝來

朝來暑氣清，疎雨過簷楹。
徑竹欹斜處，山禽一兩聲。
閒情聊自適，幽事與誰評。
几上玲瓏石，青蒲細細生。

送瀾法師歸雲門

故山從此去何日，更相逢。
獨倚千峰閣，閒聽六寺鐘。
石

牀流水繞蘿徑落花封會有東歸興來尋雲外蹤

來復

雨後虛堂夜坐次方東軒參政韻

紫芝巖下寺淡泊偶同居身老計從拙心親迹任疎埽
花風定後題竹雨涼餘時得論清賞篝燈夜榻虛

守仁

金山寺

神禹開天塹中流碣石存蓬萊分左股灑瀨失孤根驛

騎催官渡風帆拂海門
甕城燈火近鐘鼓報黃昏

良琦

題倪雲林為韓復陽寫空山芝秀圖

每憶雲林子隱居
清且閒
寥裳采芝秀倚杖看秋山
微雪松陰暝青苔石上斑
韓康偏有意時復到柴關

誠道原溪山晚霽圖

微雨過溪上青山草閣前
牛羊知返徑童穉喜歸船
煙樹邛邛鳥春泉處處田
披圖憶芝阜頭白尚安眠

魚虎子圖

翠羽畫殊絕窺魚秋水深忽來知險意靜立見機心沙
白霜初落溪寒日易陰何當隨啄木除蟲向高林

婁江西門夜泊明日將歸省有懷吳水西

良夜維舟次題詩最憶君微鐘花外度清笛月中聞燈
報庭闈喜杯從故舊分西城駐馬日還與入山雲

春日有懷郟九成

春雨晝連夕閒愁鬢欲蒼鶯聲在官柳草色映書牀每

念庭闈遠仍憐簡帙荒却思摩詰室清坐只焚香

月浦道中

江似三巴曲星隨獨樹斜客行猶轉柁秋盡尚迷家白
漲寒沙霧紅生曙海霞故人驚會面老大惜年華

廷俊

未歸

甌越山無盡江湖客未歸北風吹雪冷南雁貼雲飛斷
路迷行跡驚湍濺衲衣本來無住著何事却依依

送僧歸洞庭

每憶華山寺高居俯洞庭
煙中飛白鳥波面亂峰青
賈舶朝依岸禪房夜不扃
最憐霜後橘金子爛熒熒

德祥

送僧東游

坐罷南山下東游思浩然
與雲秋別市同月夜行船
一路鐘聲裏千峰落木前
西來有祖意不及普通年

晏起

宿雨何由歇春眠不肯醒燕來猶舊戶花落自空庭引
水平魚沼燒香繞硯屏齋中無別事閒寫幾行經

許起宗見過

攜酒出東郭尋源到此溪偶因盟白鷺兼得友黃鸝雨
氣來山北茶香過竹西芙蓉花發處明日約扶藜

秋塘

獨步秋塘上其如客思何蟬聲送風葉鳥影度涼波草
店三家酒菱船一道歌不堪回首處楊柳夕陽多

小築

日涉東園上，余將卜此居。
草生橋斷處，花落燕來初。
避俗何求僻，容身不願餘。
堂成三畝地，祇有一車書。

聽雨有懷

灑樹聲兼雪，稍簷力借風。
每來寒夜後，多在客愁中。
草意開門共，燈情白髮同。
之人天一角，的的似高鴻。

新秋有懷

得秋方一日，秋意已紛紛。
涼覺水邊早，聲先樹裏聞。
高

僧在西嶺短策不離雲我欲尋行跡恐驚鸞鶴羣

送北禪講師

秦淮一相見雲鶴兩閒身共愛青蘿寺俱為白髮人楚
江花後別吳苑雨中春今日因師去尊鄉夢又新

送僧之松溪寺

師去松溪寺應添景更清洗溪留竹影掃院著松聲鳥
就堦前宿雲從席上生老子無所住於此亦多情

送鄰寺僧

金安口石卷六十六
同住南山裏經年不一逢
深蘿挂靈錫落葉闕行踪
夢繞千峰澗吟殘雨寺鐘
今從湖上別雲水意重重

題海雲寺

香刹住中流初疑地若浮
路從沙際入帆到樹邊收
清磬敲漁夜新書報橘秋
洞庭西在望欲去更遲留

貽息耘隱士

三五樹蕭蕭幽居稱寂寥
去年存菊本來客問松苗
挂夢寒山寺留蹤野雪橋
一枝棲息穩分得與鷓鴣

竹所為餘杭教諭王志學題兼貽主簿

王維竹里館今復見諸孫翰簡傳來久名園幾處存
烏歌煙際石花覆月中門高士軒多暇時能共一尊

送延慶講師

蕭然山下寺講席稱清才路對湖中入門依樹裏開老
夫尊興動霜降橘書來珍重磯頭石留予一片苔

崔彥暉小隱

茅堂不近城風景見高情溪上山多異門前水獨清
晚

雲雙鷺入春樹一雞鳴恐有龐夫子同於此地耕

妙聲

和薛生早秋見寄

雨洗秋容澹江含霧氣深
候蟲依井徑歸燕拂簷陰
庾信江南賦靈均澤畔吟
正愁聞古調諷誦重兼金

至仁

送厚元載遊會稽

江上楊花落孤帆度遠汀
潮連滄海白山擁會稽
青內

史籠鶯帖仙人放鶴亭登臨有新製毋惜寄林扃

如蘭

贈善世求禪人歸省

家在浙陽河扁舟載月多
天空山接野木落水生波雲
物催歸興乾坤發浩歌
少年才力俊亦足慰蹉跎

送進古住廬山萬杉

雙劍倚青冥雲開九疊屏
清猿啼野樹馴虎衛巖扃
瀑吼飛晴雪江空落夜星
雨花紛委處揮塵晝談經

秋江送別

江柳不堪折
江花照眼明
天將孤雁遠
風送一帆輕
紅樹宜秋色
黃蘆雜雨聲
吳雲半千里
如在月中行

張句曲小景

句曲有仙居
桃源景不如
樹根曾繫艇
石室舊藏書
溪晚秋波淨
嵐晴宿雨餘
何當問真隱
松下坐茅廬

無愠

謝靜中過訪

埽跡千巖裏柴門久不開
正逢新雨足忽見故人來
燒筍供茶碗烹薇薦粥盃
欲留君共住分石坐堆堆

題珪上人山舍

紅葉填松徑清溪繞竹林
西風雙鬢老落日半窗陰
壞衲偏宜厚幽居不厭深
笠仙遺偈在展卷且高吟

道衍

晚過獅子林

無地堪逃俗乘昏復到林
半山雲過磬深竹雨留禽
觀

水通禪意聞香去染心叩門驚有客想亦為幽尋

題張山人適樂園林館二首

開牖依林樾迢迢去市遙翠低承雨竹綠碎受風蕉夕
嶺還侵戶春流欲斷橋主人緣愛客時為出山瓢

一軒開小圃近水更悠然杏棟縈花霧芸窗宿篆煙竹
藏鳩子哺苔襯鶴雛眠此地多風景幽深似輞川

秋日重遊穹窿山海雲精舍二首

迢遰青村外崎嶇紫邏間過林方見日到渡不逢山一

室依巖險雙扉傍竹間曾看雲際鶴向暮獨飛還
地遠塵難到人家半隔溪放禪還候磬起曉却憑雞雲
度隨山窈泉行赴澗低披叢尋蘚屨更為刻新題

溥洽

題山深草堂次王適齋韻

聞說平夷堡高居絕徼山牽蘿秋補屋伐竹曉開闕款
塞烽煙靜歸田士卒閒都門回首處頻喜寄書還

大回

江村夕照圖

江村水國幽雲樹半含秋落日曬漁網涼風吹客舟香
杭黃早刈碩果熟先收官稅供輸外民歌樂未休

明秀

山中懷蘿石翁

老懷常耿耿歲暮一行書寒日孤城短山堂獨夜虛病
多憂到骨吟苦淚盈裾祇恐梅花笑相逢齒髮疎

許泉亭秋日

手把傳燈錄西巖卧病翁柴關上野色石壁下秋風歲
月飛鴻外江山落葉中菊花知九日青蕊更叢叢

泛舟至桐口

路轉青邨合山連赤岸斜夕陽飛燕子茆屋落桐花晚
野聞孤笛輕舟閣淺沙前峰望不遠林暝欲棲鴉

宿歸雲堂

寺前昨日雨水滿放生池獨往忽乘興幽尋豈有期夜
深月未出秋近竹先知重把茶盃坐雲山話所思

雨夜

燈影西堂裏三年病惠休空山聞夜雨獨客抱春愁
花鳥寒應苦星河暗自流誰家有明月長笛倚高樓

田叟贈朱可麓

早起飯牛犢落花春水渾雨中青箬笠溪上白雲村
食力古莘野全生今鹿門不知城府外何處有桃源

送陳墨山還吳淞兼柬胡秋田

五茸城外月不見十年餘顧我曾遊地因君得寄書
津

亭然夜火江市鱸魚若見秋田叟還勞問起居

日暮

西閣日將夕川原生暮煙遠林歸倦鳥枯葉抱寒蟬野
岸漁罾外秋風戍壘前故人應念我定有尺書傳

普泰

寄楊君謙二首

都下閒歸雁江東憶故人高山千里夢芳草十年春吟
苦先催老心安却耐貧吳門他日過書院許誰鄰

吏隱千年遠南峰事竟同
鑑容依石水熏珮度花風
林靄牀頭濕崖泉樹下通
紛紛塵世念不入此山中

秋晴

幾日豆花雨茲晨方見晴
寒蟬依樹響秋蘚上階生
山脫雲尤翠池涵日更明
西風催萬戶都作搗衣聲

永瑛

秋浦

白露下蒹葭秋汀尚有花
數峰迴晚色一雁落寒沙
菰

熟供炊具鱸肥上釣槎月明吹笛去隔水是漁家

文湛

寓南高峰懷友

菴住南峰下四簷松竹青月常陪入定猿或聽談經池
近涼生榻山高影落庭故人在何處詩酒醉蘭亭

方澤

送范菁山丈之雲南大理

北望雲霄迴南征道路長山逢驅象客地入卜雞鄉碧

海常飛霧青林不墮霜聖君勞禦遠非是漢文皇

送王翰林柘湖轉比部還京

滄海有才名青春賦兩京乍辭金馬署復作爽鳩行苑
柳深袍色宮鶯雜珮聲君王前席問應是為蒼生

寄平野上人

惠朗南歸後空山兩月過青春看已暮白髮近如何雨
外鶯聲遠風前柳絮多遙知清夢裏還繞舊煙蘿

仇生

仇生有父風能畫擅江東縹緲千峰勢
噴玩尺素中坐
增吳苑秀不謝輞川工儻寫天台勝
添余補衲翁

送吳山人

落葉滿江邊
秋風急暮蟬
我思天姥寺
君上洞庭船
東帛丘園少
徵兵澤國連
不知方處士
鍊藥幾時仙

獨坐

平時懷獨往
垂老患餘身
林蔚常疑晚
山暄每過春
月來初有客
雲去乍無鄰
獨喜堦前鳥
忘機旦暮馴

祖福

雨宿西閣

浩蕩迷方客，人淹江寺隈。
旅愁添夜雨，歲事到寒梅。
滄海無家問，中峰有夢回。
燭花爾何事，更傍客杯開。

圓理

慈雲嶺

仄徑攀蘿轉，空山伐木聞。
兩崖危石抱，衆壑細流分。
曉竹含蒼靄，春田護白雲。
回看萬松裏，唯有鹿麋羣。

招友人看芙蓉

一水澄於練，孤芳錦作叢。
故將遲暮景，開向寂寥中。
夕露垂秋白，江霞媚晚紅。
薄言方採掇，持贈故交同。

明周

都門除夕

早眠輕節序，垂老倦精神。
半夜兩年夢，孤燈千里身。
鉢分新歲飯，衣拂舊時塵。
後飲屠蘇者，其如感歎頻。

洪恩

過安茂卿秦淮寓館

安期東海至新借白門居綠醕稱從事紅妝用校書舟
移淮水月饌出晉陵魚聞道西林勝能無一榻虛

夜泊慈姥磯登絕頂坐月

踪跡元蓬蘼天涯自往迴秋風隨去棹夜色共登臺石
面潮初落江頭月正來最高思欲卧清磬一聲催

江上道中即事有懷同社諸友

遵路三支別橫江一葦從斷隄方捨筏山寺忽鳴鐘飛

霧翳寒日殘煙隔暮春間闕猶未遠離緒已重重

游般若寺

蟠紆垂鳥道蒼翠削芙蓉坐可依危石行將駐短筇寒
深千片竹霜老一枝松甃草枯殘水空潭已化龍

松寥閣與湛公夜坐看月晨起值花朝連春分
紀事同贈

自赴已公招清言破寂寥茶全烹穀雨春半及花朝薄
霧籠寒月微風上夜潮不知峰頂雪還待幾時消

答王百穀虎丘送別

林棲同倦鳥山寺晚鐘殘
霜涸秋潭冷風疎夜磬寒
榻方懸半偈錫更指長干
欲就浮丘聽難禁別鶴彈

蔣墅曉行

曉發渡金壇星疎月未殘
三峰如句曲百折似嚴灘
村杵和霜下漁燈隔霧看
吳歛多苦調併入櫓聲寒

送信公還豫章分得十五咸

朔風迎朔水吹雪上寒巖
悵別應千結封題祇半函
香

爐煙漸斂湖口月初銜遙想章江外鐘聲落夜帆

經衲頭菴憶法秀禪師

綻衲居無定雙林一嶺分磬聲和斷續香靄逗氤氳石
徑連疎竹溪流隔片雲丹書徵出處已是不逢君

山房送郭次甫之焦山

雪後迴仙棹空堂別思盈一尊留夜色片語進寒更茗
熟松風細梅香露氣清明朝江上月去住總含情

過耶溪法友新居

徑隨阡陌轉籬抱小橋灣有竹全臨水無氛可類山鳥
常窺戶靜雲似學僧閒何事探靈祕區中是大還

古松法友誦經水西園賦贈

隨意寄招提名園自水西託松臨古澗將鳥學卑棲辨
字追龍篆探微得馬蹄徧遊華藏界還與一塵齊

德清

抵雷陽戍二首

舊說雷陽道今過電白西萬山嵐氣合一錫瘴煙迷末

路隨蓬累殘生信馬蹄
那堪深樹裏處處鷓鴣啼
萬壑奔流下千山積翠連帆飛
五嶺驛猿挂几秋天客
路浮雲外鄉心落日
前吾生猶未定江漢是餘年

宿清溪驛夢得草蟲鳴斷岸沙鳥宿寒汀之句
因續成詩

溯流遵遠渚旅泊傍孤亭
月隱山容淡魚潛水氣腥
草蟲鳴斷岸沙鳥宿寒汀
最惜飄零者浮生夢未醒

舟行

湘水通巴漢孤帆入楚天片雲低遠樹晴日照斜川處
世常如寄浮生莫問年縱遵歸去路亦似渡頭船

通岸

曹溪雜詩

為愛溪山好無人祇自看萬峰青不斷三月雪猶寒乳
鹿藏深樹飛鳥過遠灘興來誰與晤長嘯碧雲端

傳慧

九月望夜

節去愁衣薄，蟲聲漸近牀。偶然林下坐，早見草頭霜。寒月明如此，浮雲掩不妨。通宵照蘿壁，忘却夜初長。

同靜泉仲齡二公過南莊鄰翁偶談時事有感
郭外行應好，香清荷芰風。到來茅屋下，談笑竹林中。徑草先秋綠，江雲過日紅。眼前不平論，難禁白頭翁。

宿四明山心

寂歷遊仙處，塵寰隔斷霞。九溪流雪水，八月綻桃花。茅栗圓于彈，霜稜大似瓜。雲南與雲北，依舊作鄰家。

夜渡金山

空江信淼茫月出水生光入浦潮如雨沾衣露欲霜天
青沙氣白夜靜海雲黃漸覺鐘聲動應知到上方

智觀

山居漫言

板屋黃茅爛棲禪已十春更無孤鶴伴且免衆狙嗔天
地寧私我谿山不假人四分僧律在吾自率吾真

大壑

上方寺遲同遊不至

湖光斜遶寺松影曲藏闕帆過煙中樹僧歸雨外山井
梧秋更老橋蘚晚逾斑目極天涯盡扁舟不易還

孫谷

曲磴餘蒼蘚危梁度碧雲山深溪屢合樹密徑斜分佛
火寒猶見僧鐘晝不聞空留爭席處野老自為羣

法杲

梁溪道中逢姚孟

十載俱漂泊驚逢落照前浮雲本無意芳草似相憐春
水連平野人家入遠天還乘明月色隨意放吳船

山居雜詠四首

選地居方葺盤雲徑乍開若將忘我去豈為避人來獨
野饒蒼竹空山遍綠苔自今蹤跡穩不遣白雲猜

蘿房青澗上卒歲可盤桓地僻如無夏峰多不散寒鳥
來迎戶入花發隔溪看靈鷲嶺岿甚居然我自安

暮投巖下寺路失問潺湲月出翻嫌樹雲歸不辨山石

橋臨水斷茅屋映谿闌別有高樓者鐘聲杳霽間
獨犬吠雲影村家無四鄰草生當斷路花發待閒人芳
樹橋邊盡春山雨後新野翁居自僻不是為逃秦

江上

寂歷雲天色流觀據晚閒野黃潮起樹江黑雨藏山楚
甸蒹葭外夷風瘴癘間兒童相叫笑直是語綿蠻

閒居即事

割得鷓林地蒿蘆茸乍完潑雲峰匝戶裏日樹平垣草

閣因風敞溪花隔霧看不安麋鹿性何以戀巔岼

玄墓看梅花

持訪梅花信漫行春谷中路隨雲共白村與樹俱空色
淺如縈霧香寒不遞風虬枝吾欲折長揖問山翁

渡陽城湖

不知何所事身墮渺茫間岸白流魚沫天青出蜺山樹
微看漸滅雲薄去如閒無限隨波意輕舟試往還


曳杖

曳杖出溪口日斜溪水喧雲間逐去鳥山盡見孤村野
外垂天影松間墮月痕回頭疎磬發有寺石為門

寄李五巴山

乾坤添白髮江海限紅塵獨樹逢殘月清宵憶故人蝶
占春後夢鶴想病中身安得西歸翼裁書慰爾頻

御
選
明
詩
卷
六
十
六



總校官庶吉士臣侍朝

校對官檢討臣蕭九成

謄錄監生臣劉天倉